

դեցնում են 3122, 6416, 6537, 6546, 6547, 6582, 6593 թվահամարները: Այս 7 ձեռագրերից 4-ը (№№ 6416, 6546, 6547, 6593) դեռևս անցյալ դարի 70-ական թթ. նվիրարերված են եղել Լազարյան Հեմարանին և նկարագրված են Հեմարանի 1888 թ. տպագիր ցուցակում (Համապատասխանաբար №№ 1218, 1247, 1220, 1250)⁸. զրանք Մատենադարան են մուտք գործել 1925 թվականին՝ Լազարյան Հեմարանի հավաքածուի կազմում (№№ 39, 46, 47, 64)⁹: Ինչ վերաբերում է մյուս երեք ձեռագրերին, ապա զրանցից առաջինը (№ 3122) 1855 թ. արդեն գտնվում էր էջմիածնում և արձանա-

գրված է «Գեորգյան» կոչվող հավաքածուի գույքացուցակում (№ 635)¹⁰, երկրորդը (№ 6537) Մատենադարան է հասել 1925 թ.¹¹ Մսերյանների արխիվի հետ, իսկ երրորդը (№ 6582), որ փոխանցված է եղել Քուչուկ-Հովհաննիսյանին, զարձյալ 1925 թ.¹² Լազարյան Հեմարանի ձեռագրերի շարքում (№ 209)¹³:

Այսպիսով, Մկրտիչ էմինից մեզ հայտնի են 25 ձեռագրեր (Ա խմբից՝ 17, Բ խմբից՝ 1, շարձանագրված՝ 7), որոնցից առկա՝ 17, բացակա՝ 8:

Ս. Ա. ԵԳԱՆՅԱՆ

ՎԱՂՄԻՋՆԱԴԱՐՅԱՆ ԵՐԿՈՒ ՀՈՒՇԱՐՁԱՆ ԿՈՂՐՈՒՄ

Կողր (Կողբաքար) գյուղը (Հայկական ՍՍՀ Նոյեմբերյանի շրջանում) հնում եղել է Գուգարաց նահանգի Կողբափոր գավառի վարչական կենտրոնը: Դտնվելով Դվինից Թիֆլիս տանող ճանապարհի վրա¹, Կողբը վաղ միջնադարում հասել է զարգացման բարձր աստիճանի: Այն հիշվում է դեռևս Մովսես Խորենացու մոտ²: Որպես աշքի ընկնող բնակավայր տեղ է գտել VII դարի հայկական և IX դարի վրաց աղբյուրներում³, 387 թ. մտել է վրաց պետության կազմի մեջ մինչև IX դարը⁴: Աղբյուրներում հիշատակվում է «մեծ ավան», «քաղաքագյուղ», «բերդավան» անվանումներով:

Կողրի տարածքը հարուստ է պատմական տարրեր դարաշրջաններին վերաբերող նյութական մշակույթի բազմապիսի հուշարձաններով:

Հուշարձաններից մեկը, որ գյուղի բնակիչները կոչում են «Տվարաեղցի», գրեթե անծանոթ է մասնագիտական գրականությանը: Դրա վերաբերյալ չկան հնագիտական նյութեր, պատմական, մատենագրական տեղեկություն-

ներ, ինչպեսզ մասին հիշատակության հանդիպում ենք Մ. Բարխուդարյանցի մոտ⁵:

Ինչպեսզ մենք մենք գտնվում են Կողբ գյուղից մոտ 4 կմ հարավ-արևմուտք՝ նույնպես «Տվարաեղցի» կոչվող հին գյուղատեղի շրջանում: Նրա շուրջը հին գերեզմանոց է. հյուսիսային կողմից ճանապարհի շինարարության կապակցությամբ բացվել են քարարկղային թաղումներ:

Հուշարձանը կիսավեր վիճակում է (աղ. I, 1), Կանգուն է արևելյան պատը (արսիդի գմբեթարդի զգալի մասով), Մյուս կողմերում պատերի մնացորդները պահպանվել են 2,5—5 մ բարձրությամբ, որոնք երբեմնի գոյություն ունեցած դռների շրջանում ավելի շատ են քանդված (դա վերաբերում է հատկապես հարավային պատին):

Աղոթասրահն ունի 1092×1970 սմ չափեր (աղ. II, 1): Արևմտյան պատին, ինչպես նաև արսիդի հյուսիսային կողմի ճակատային մասում պահպանված որմնամույթերի հետքերից պարզ է, որ աղոթասրահը զույգ սյունաշարերով բաժանված է եղել երեք նավերի՝ 150, 585 և 217 սմ լայնություններով:

Երկայնական պատերի վրա որմնամույթերի հետքեր չկան: Մույթերի մնացորդներ նույնպես չեն պահպանվել. աղոթասրահը ծածկված է հողի հաստ շերտով: Այստեղ հազիվ նկատվող թմբերից կարելի է ենթադրել, որ յուրաքանչյուր շարքում պետք է եղած լինեին երեքական մույթեր: Այդ ճշգրտելու, ինչպես նաև

⁸ Каталог книг и рукописей библиотек Лазаревского института..., М., 1888, էջ 69—81:

⁹ Մատենադարանի Անտիպ ձեռագրացուցակների հավաքածու, № 11:

¹ Տե՛ս Ղ. Ալիշան, Այրարատ բնաշխարհ Հայաստանեայց, Վենետիկ, 1890, էջ 413:

² Տե՛ս Մովսես Խորենացի, Պատմություն հայոց, Երևան, 1968, էջ 138:

³ Տե՛ս Ս. Ս. Երեմյան, Հայաստանը բոլոր «Աշխարհացոյց»-ի, Երևան, 1963, էջ 59:

⁴ Տե՛ս նույն տեղում, էջ 60:


¹⁰ Նույն տեղում, № 4ա:

¹¹ Նույն տեղում, № 11:

⁵ Տե՛ս Մ. Բարխուդարյանց, Արցախ, Բաքու, 1895, էջ 387:

տրոշ մանրամասնություններ պարզելու նպատակով անհրաժեշտ էր բացել հենարանների գոնե մի մասը: Հյուսիսային շարքի արևմտյան որմնամույթի և դրան հաջորդող մույթի շրջանում, մոտ 50 սմ խորության վրա, հողաշերտի տակից երևան եկան որմնամույթի և մույթի

խարխիլների ակոսներին (քարի քայքայված լինելու հետևանքով ճակատային կողմից ակոսների հետքերը նկատելի չեն): Դրանք ցույց են տալիս, որ հենարանները վերգետնյա մասում հիմքերի համեմատ եղել են ավելի փոքր չափերի՝ հիմքերի յուրաքանչյուր կողմից մոտ



Աղ. I.

(աղ. 1, 2) ուղղանկյուն կտրվածքով հիմքերը՝ 85×105 և 170×110 սմ չափերով, իրարից 320 սմ հեռավորության վրա⁶, շարված դեղնականաչավուն ֆելզիտի խոշոր, կոպտատաշ կտորներից՝ կրաշաղախով կապակցված: Պատի և որմնամույթի հիմքերի քարերը փոխադրված են, որը, ինչպես նաև որմնամույթներից պահպանված քարերի կապը պատի շարվածքի հետ, ցույց են տալիս, որ որմնամույթները (հետևապես և մույթները) նախապես գոյություն են ունեցել:

Հենարանների շափերը և ձևը վերականգնելու հարցում հիմքերից բացի օգնում են նաև պահպանված որմնամույթների հետքերը՝ մոտ 70 սմ լայնությամբ, և ամենայն հավանականությամբ որմնամույթներից մեկի խարխիլը հանդիսացած, ներկայումս աղոթասրահի մեջտեղում գտնվող սալաքարը ($72 \times 67 \times 35$ սմ չափերով): Այն երկու կողմից եզերված է բազմաշարք պարզ տրամատի ակոսներով (աղ. I, 3)՝ նման Քասաղի բազիլիկի որմնամույթների

20 սմ ներս ընկած, այսինքն՝ 65×70 և 130×70 սմ:


Հենարանները հատակագծում տեղադրելով իրենց չափերին և իրարից ունեցած հեռավորություններին համապատասխան, ստացվում է, որ Կողբի եկեղեցու յուրաքանչյուր հենարանային շարքում եղել է երեքական մույթ, ինչպես Քասաղի, Աշտարակի բազիլիկներում (ի դեպ, Կողբի եկեղեցին դրանց համապատասխանում է նաև աղոթասրահի համաչափություններով):

Միջին նավը արևելյան կողմում ավարտվում է կիսաշրջանագծային արսիղով, որի կենտրոնը ճակատային մասից ետ է ընկած մոտ 1,5 մ: Արսիղին հարավային կողմից կից է ուղղանկյունի (341×280 սմ) ավանդատունը, որը կազմում է եզրային նավի շարունակությունը և օրգանապես կապված է եկեղեցուն: Ավանդատան երկայնական պատերում կան սիմետրիկ դասավորությամբ չորսական ոչ մեծ շափի պատուհաններ: Հյուսիսային կողմից ավանդատուն չկա: Այդ կողմում պատի եզրագիծը 348×175 սմ չափերով անկյունաձև ներս է ընկած:

Արսիղը լուսավորվել է 60×150 սմ բաց

⁶ Հողային աշխատանքների ժամանակ գտնվեցին նաև կղմինդրների, վաղ շրջանին հատուկ քանդակների բեկորներ:

վածքով պատուհանից, որը, ինչպես ընդունված է առավել վաղ շրջանի հուշարձաններում, դեպի ներս չի լայնանում, շունի պսակ կամ պարակալ: Ավանդատան արևելյան պատում նույնպես եղել է պատուհան, որի եզրամասերը ամբողջ շրջագծով քանդված են: Մյուս պատերի վրա պատուհանների հետքեր չկան: Հարավային պատին կից պահպանվել է ավանդատան լայնական պատի մնացորդը, որը որոշակի է դարձնում ավանդատան երկարությունը, ինչպես նաև արտիդի ճակատային պատի սահմանը:



Աղ. II.

Հարավային, հյուսիսային և արևմտյան պատերի մնացորդների ողջ բարձրությունը բռնող բացվածքներից պետք է ենթադրել, որ դռները եղել են երեքը: Եթե արևմտյան մուտքը գտնվել է միջին նավի առանցքի վրա, ապա մյուսները, հավանաբար, տեղադրված լինելով իրար հանդեպ, աղոթասրահի միջին մասից զգալիորեն շեղված են դեպի արևմուտք: Դրանք չեն համընկնում նաև միջհենարանային լայնական առանցքի հետ:

Աբսիդի պայտաձևությունը հատակագծում նկատելի չէ: Իսկ գմբեթարդը, որ նստած է պարզ տեղամասով գոտու վրա, ուղղաձիգ հար-

թության մեջ ունի շեշտված պայտաձևություն: Նրա վերին մասում հավասար հեռավորությունների վրա կան խոռոչներ՝ հավանաբար բացված հետագայում:

Ավանդատան հյուսիսային պատը, որ միաժամանակ արտիդի պատն է, պահպանվել է գմբեթարդի զրեթե ողջ բարձրությամբ, և վրան թաղի հետքեր նկատելի չեն: Այդ պարագան, ինչպես նաև այն, որ աղոթասրահի ներսում ևս կամարների կամ թաղերի գոյությունը մատնանշող հետքեր չկան, հիմք են տալիս ենթադրելու, որ եկեղեցին եղել է փայտածածկ՝ հայկական վաղ միջնադարյան բազիլիկ շատ հուշարձանների նման, որոնց մի մասը (Աշտարակ, Եղվարդ և այլն) հետագայում վերակառուցվել է, դարձվելով թաղածածկ:

Եկեղեցին անպաճույճ է: Հարդարանքի միակ տարրը շրջանագծային պսակ ունեցող պարզ գծագրությամբ հավասարաթև խաչն է (վաղ միջնադարյան հուշարձաններում շատ տարածված)՝ պատկերված արտիդի պատուհանի հյուսիսային անկյունաքարերից մեկի վրա (աղ. I, 4, II, 2):

Պատերի ստորին կեսը շարված է մանր կոպտատաշ ավազաքարից, իսկ վերին կեսը, ինչպես դրսից, այնպես էլ ներսից, երեսպատված է եղել դեղնականաչավուն ֆելզիտի սրբատաշ խոշոր քարերով, որոնք ներկայումս ամենուրեք (բացի արտիդի կիսաշրջանագծային մասից) հանված են: Դրանից երևում է, որ հուշարձանը ինչ-որ ժամանակ ենթարկվել է վերակառուցման, և նրա վերին կեսը նախնական վիճակով չէ: Այդ հարցում որոշ պարզություն են մտցնում արևելյան պատի արձանագրությունները: Աբսիդի պատուհանի հյուսիսային անկյունաքարերից մեկի վրա (խաչի պատկերով քարի տակ փորագրված է. Սամվել Գրեց յաղոբս յիշեմ (աղ. I, 4, II, 2): Պատուհանի հարավային անկյունաքարի վրա, արձանագրված քարի դիմաց, մանր, շեղ գրերով փորագրված է. ի րվականս Հայոց շ: է (=1258): Շատ հավանական է, որ այդ թվականը վերաբերում է Սամվել-ի արձանագրության փորագրման ժամանակին: Իսկ ի՞նչ կապ կարող է ունենալ արձանագրության մեջ հիշվող Սամվել-ը եկեղեցու հետ:

Նշված արձանագրություններով քարերը տեղադրված են պատերի վերակառուցված մասի սահմանագծում: Պետք է կարծել, որ հենց Սամվել-ն է եղել եկեղեցու 1258 թ. վերակառուցողը: Այդ թվականին վերակառուցման կա՞մ

7 Հավասարաթև խաչի գոյությունը արձանագրված քարից վերև, պատի խորությամբ պատուհանի բացվածքի հաստատուն լայնու-

վերականգնման անհրաժեշտություն առաջացած կարող էր լինել թերևս 1219 թ. երկրաշարժի հետևանքով⁸:

Հայկական մյուս եռանակ դահլիճների համեմատ Կողբի հուշարձանն ունի որոշ առանձնահատկություններ.

ա. Եթե մյուս եռանակ հուշարձանները (գրեթե բոլորը) երկայնական առանցքի նկատմամբ ունեն սիմետրիկ լուծում (վերաբերում է աղոթասրահի և արևելյան թևի հորինվածքներին), ապա Կողբի հուշարձանում ինչպես աղոթասրահը, այնպես էլ արևելյան թևը լուծված են ոչ սիմետրիկ:

բ. Եկեղեցին չի անցել վերակառուցումների և հավելումների այն բարդ ընթացքով (փայտե ծածկի փոխարինում քարե թաղով, ավանդատների, արտաքին սրահների, գմբեթային ախտեմի հավելում և այլն), որը հատկանշական է մյուս եռանակ հուշարձանների համար (Քասաղ, Տեկոր, Դվին, Աշտարակ, Եղվարդ և այլն)⁹. Նրա սկզբնական հորինվածքը մնացել է համեմատաբար անաղարտ, որի խաթարումը վերաբերում է թերևս միայն պատերի էնսից վեր գտնվող մասի վերակառուցմանը:

Եկեղեցու կառուցման ժամանակը կոնկրետացնող տվյալներ չկան: Հուշարձանի հորինվածքային և կոնստրուկտիվ մի շարք տարրեր և բնորոշ գծեր (շրջանագծի մեջ առնված հավասարաթև խաչը, արսիդի պատուհանի եզրերի ուղիղ կտրվածքը, որմնամույթի խարսխի պարզ տրամատի ակոսները, փայտե ծածկը, հյուսիսային կողմից ավանդատան բացակայությունը և այլն) փաստում են հուշարձանի VI դարից վաղ կառուցված լինելը:

Հայկական վաղ միջնադարյան պաշտամունքային շենքերի հիմնական տեսակներից մեկը հանդիսացող եռանակ դահլիճները բավականաչափ ուսումնասիրված չեն: Մասնագիտական զրականության մեջ դեռևս մի քանի տասնամյակ առաջ շրջանառության մեջ գրված այդ տիպի հուշարձանների անվանացանկը (Քասաղ, Տեկոր, Դվին, Երերույք, Եղվարդ, Աշտարակ,

Երեմյանք), բացառությամբ Աղցի, փաստորեն չի համալրվել նորերով: Այդ հուշարձանները, բացի Երեմյանքից, գտնվում են Հայաստանի կենտրոնական շրջաններում (Արարատ, Շիրակ): Կողբի «Տվարանեցի» եկեղեցին, նման հուշարձանների անվանացանկը ընդլայնելուց բացի, իր հերթին հավաստում է, որ այդ նշանավոր տիպը, դուրս գալով առանձին ճարտարապետական դպրոցների շրջանակից, հատուկ է եղել վաղ միջնադարյան հայկական ճարտարապետությանն ընդհանրապես:

Կողբի մյուս հուշարձանի՝ դյուղամիջի եկեղեցու վերաբերյալ որոշ տեղեկություններ կան հայկական միջնադարյան արվեստին նվիրված աշխատություններում¹⁰. Հուշարձանը հայտնի է դարձել իր աչքի ընկնող քանդակներով, ավելի ճիշտ՝ քանդակների մնացորդներով, որոնք ի հայտ են եկել պատահականորեն կամ մասնակի պեղումների շնորհիվ:

Եկեղեցին գտնվել է Կողբ գյուղի ներկայիս կենտրոնական հրապարակից մոտ 300 մ դեպի հյուսիս-արևմուտք ընկած բարձրադիր մասում՝ Տիգրան Արծրյանի (Ճուղուրանց) տնամերձ հողամասում, որտեղ այժմ նրա բակը և օժանդակ շինություններն են:

Եկեղեցին մեր ժամանակներն էր հասել այնպիսի վիճակով, որ միայն մանրամասն ու ծավալուն պեղումների շնորհիվ կարելի կլիներ պարզել նրա հորինվածքի հետ կապված խնդիրները: Ցավոք, այն նման պեղման չի ենթարկվել, իսկ ներկայումս դրա հնարավորությունը փաստորեն անդադունալիորեն վերացել է:

Հուշարձանի պեղման աշխատանքներին 1939—40 թթ. ձեռնամուխ է եղել ճարտարապետական հուշարձանների պահպանության կոմիտեի այդ տարիների աշխատակից Հ. Եղիազարյանը, որը վերահաս պատերազմի հետևանքով հնարավորություն չի ունեցել աշխատանքները մինչև վերջ հասցնելու: Պեղումների արդյունքների վերաբերյալ հրապարակված հոդվածում¹¹, առաջադրված է ի հայտ եկած քանդակների և հնագիտական նյութերի արժեքավորումը: Հուշարձանի հատակագծային

թյունը ասում են այն մասին, որ պատուհանի ներկայիս անկյունքաբերը եղել են հենց սկզբից, որոնց վրա XIII դարում փորագրվել են արձանապրությունները:

⁸ Տե՛ս «Հաւաքումն պատմութեան Վարդանայ վարդապետի լուսաբանեալ», Վենետիկ, 1862, էջ 142:

⁹ Տե՛ս Ա. Ա. Սահիճյան, Քասաղի բազիլիկայի ճարտարապետությունը, Երևան, 1955, էջ 119—124:

¹⁰ Տե՛ս Գ. Հովսեփյան, Նյութեր և ուսումնասիրություններ հայ արվեստի և մշակույթի պատմության, պրակ Գ, Նյու Յորք, 1944, էջ 72—78: Բ. Առաքելյան, Հայկական պատկերաքանդակները IV—VII դարերում, Երևան, 1949, էջ 60:


¹¹ Տե՛ս Հ. Եղիազարյան, Կողբ գյուղի հնագույն տաճարի պեղումները, «Էջմիածին», 1963, Գ, էջ 50—57:

և ծավալատարածական լուծումը փաստորեն մնացել է մասնագիտական շրջաններին անհայտ:

Տեսնենք, թե ինչ են տալիս 1939—1940 թթ. պեղումների նյութերը¹² եկեղեցու հորինվածքի վերաբերյալ:

Փոխվել է Սանահինի վանքի այդ ժամանակ նորարաց թանգարանը, որտեղ և պահվում է այժմ):

Քանդակները բազմաթիվ են. պատկերաքանդակներ, բուսական, երկրաչափական մոտիվներով զարդաքանդակներ, հավասարաթև



Աղ. III.

Եկեղեցու մնացորդները ծածկող 1,5—2 մ հաստությամբ հողի շերտի հեռացումով բացվել են եկեղեցու հարավային պատը, հարավային կողմի արտաքին սրահը և արևելյան կողմից վերջինիս կից ավանդատունը՝ արսիդի մնացորդով (աղ. III, 1, լցված մասը): Պարզվում է, որ պատերից մնացել է խարիսխից վերև ընդամենը 1—2 շարք, որոնք արտաքինից շարված են կաթնագույն սրբատաշ ֆելզիտի խոշոր քարերով, իսկ ներսից՝ մանր կոպտատաշ՝ քարերով՝ կրաշաղախով կապակցված: Հուշարձանը ներքուստ եղել է սվաղված և որմնանկարներով պատած, որոնցից հայտնաբերվել են առանձին մնացորդներ: Բացվել են նաև մեծ թվով քանդակազարդ քարեր, խաչքարերի, կոթողների բեկորներ, կղմինդրների (սալաձև և կիսաշրջանաձևային), աղյուսների, զիպսե քանդակների ձուլածո կտորներ, տապանաքարեր և այլն (դրանց մի մասը տեղա-

խաչեր և այլն, որոնք աչքի են ընկնում զեղարվեստական արտահայտչականությամբ և կատարման վարպետությամբ: Սյունաձև կոթողների, քանդակազարդ սալաքարերի մի մասի, տապանաքարերի վրա եղել են հիշատակագրության պատուհիկներ (նաև վրացերեն՝ խուցուրի գրերով), իսկ աղյուսների կտորների վրա՝ կենդանիների և թռչունների հարթաքանդակների, որմնանկարների մնացորդներ:

Նթե քանդակների մի մասն անտարակույս վերաբերում է եկեղեցուն, ապա բազմաթիվ այլ բեկորներ՝ կոթողների, խաչքարերի, թևավոր խաչերի մասեր, անհավանական է, որ եկեղեցուն պատկանած լինեին (նկատենք, որ եկեղեցին, ներսից շարված լինելով կոպտատաշ մանր քարերով, ի սկզբանե նախատեսված է եղել սվաղով ծածկելու համար, հանգամանք, որը կբացառեր կամ կսահմանափակեր ներսում քանդակների գոյությունը):

Արտաքին սրահի հարավային պատի ուղղությամբ բացվել են սյան և որմնասյան մեկական խարիսխներ՝ իրենց տեղում գրված, որոնց պատի հետ ունեցած փոխադարձ դասավորությունից երևում է, որ սրահը ունեցել է 2 կա-

¹² Պահվում են ՀՍՍՀ Պետլինի հուշարձանների պահպանության և վերականգնման վարչության արխիվում (գործ №Ն 371, 372):

մարային բացվածք՝ 173 սմ չափի¹³։ Գտնվել են նաև կամարի 3 քարեր (այդ թվում՝ փականային), սյան գլանաձև բնի կտոր (65 սմ տրամագծով) և այլն։ Սրահը եղել է թաղակապ, որից պահպանվել են զոգավոր սրբատաշ քարեր։ Հատակի խոշոր սրբատաշ սալեր են բացվել աբսիդի առջևի մասում։ Սրահը, բացի կամարային զույգ բացվածքներից, մուտքեր է ունեցել հյուսիսային և արևմտյան կողմերից՝ համապատասխանաբար 1,55 և 1,20 մ բացվածքներով։

Եկեղեցու հուշարձանային բնութագրում (կաղմված 1950 թ.) հորինվածքի վերաբերյալ նշված է. «Եռանավ բազիլիկ, ներսում 4 մույթեր, արևելյան կողմում աբսիդը՝ երկու կողմից ավանդատներով, հյուսիսային և հարավային կողմերից ունի որահ»¹⁴։

Նկատենք, որ պեղումների արդյունքները ներսում 4 մույթերի առկայության (իմա աղոթասրահի եռանավության) վերաբերյալ ոչինչ չեն տալիս։

Հուշարձանի պեղումներով բացված հարավային թևի հորինվածքը (աղ. III, 1) համադրելով Կողբափորին հարևան Տաշիրի սրահավոր միանավ դահլիճներին (վերջիններս աղոթասրահին կից ունեն երկայնական զույգ թևեր, որոնցից առնվազն մեկը իր հորինվածքով նույնանում է Կողբում բացվածի հետ, աղ. III, 2—Կուրթան, 3—Գյուլագարակ, 4—Հոբարձի, 5—Ջգրաշեն, 6—Սվերդլովի Ս. Գեվորգ)¹⁵, որոշակի է դառնում, որ Կողբի հուշարձանը ևս աղոթասրահին կից ունեցել է հյուսիսային թև¹⁶։

Կողբի գյուղամիջի եկեղեցում արտաքին սրահը չի եղել աղոթասրահը երեք կողմից, ինչ-

պես Տաշիրի միանավ դահլիճներում։ Այստեղ արտաքին սրահի թևերը աղոթասրահի հետ արևմտյան կողմից սահմանափակված են եղել նույն հարթության մեջ գտնվող պատով, ինչպես Կարնուտի, Գառնիի, Քասաղի, նաև վրացական Բոլնիսի, Քվեմո Բոլնիսի բազիլիկներում։ Պեղված մասի համաչափություններից (եկեղեցու երկարություն, հարավային թևի լայնություն), ինչպես նաև հայկական ճարտարապետության մեջ թևերի նույնանման հորինվածք ունեցող հուշարձանների համանմանությունից պետք է ենթադրել, որ աղոթասրահը եղել է ոչ թե եռանավ, այլ միանավ. եռանավի դեպքում եկեղեցին կստանար խիստ անբնական համաչափություններ լայնական չափը կանցներ երկայնականից, ինչը հատուկ է հայկական հուշարձաններին։ Վաղ միջնադարյան եռանավ դահլիճներից ոչ մեկը չունի արևելյան թևի նման հորինվածք՝ այսինքն բեմին մեկ կամ երկու կողմից կից երկայնական ձգված ավանդատներ՝ լայն աբսիդներով, որոնք աղոթասրահի հետ հաղորդակցվում են անմիջականորեն բեմի առջևից բացվող դռնով (Տեկորի, Երերույքի, Դվինի եկեղեցիներում բեմին կից ավանդատները ձգված են լայնական ուղղությամբ, մուտքերը բացվում են դեպի եղբայրին նավերը և աբսիդներ չունեն)։

Փաստորեն որոշակի չի դառնում միայն աղոթասրահի լայնությունը, որը ներկայացված հատակագծում ընտրված է այդ տիպի մյուս հուշարձանների (Հոբարձի, Ջգրաշեն, Գյուլագարակ և այլն) համամասնությամբ։ Ստացվում է, որ Կողբի եկեղեցին ունեցել է մոտավորապես 19,6×15,5 մ արտաքին չափեր։

Գոգավոր սրբատաշ քարերի, որմնամույթի խոյակի, կղմինդրների առկայությունը, ինչպես նաև պատերի զգալի թանձրությունները հիմք են տալիս ենթադրելու, որ աղոթասրահը եղել է թաղածածկ՝ կոշտացված որմնամույթերի վրա հանգչող ենթաթաղային կամարներով, ունեցել է կղմինդրով ծածկված երկթեք տանիք։

Գտնված քանդակների բնությամբ պարզված է, որ դրանք սերտ ընդհանրություն ունեն վաղ շրջանի հայկական քանդակագործական արվեստի նմուշների (Երերույք, Դվին, Օձուն և այլն) հետ, որը թույլ է տվել սահմանել նաև եկեղեցու կառուցման ժամանակը՝ VI դարից ոչ ուշ¹⁷։ Այսպիսի թվագրման հիմնավորման հարցում, բացի քանդակներից, կարևոր են նաև հուշարձանի հատակագծային առանձնահատկությունները (արտաքին սրահի, բաց աբսիդի

13 Հմմտ. վրացական Ջեգանի եկեղեցու հատակագծի հետ, տե՛ս В. В. Беридзе. Грузинская архитектура «раннехристианского» времени (IV—VII вв.), Тбилиси, 1974, նկ. 2։

14 Տե՛ս Հայկական ՍՍՀ Պետշինի հուշարձանների պահպանության և վերականգնման վարչության արխիվ, № 600։

15 Տաշիրի հուշարձանների հատակագծերը վերցված են Մ. Մ. Հասրաթյանի «Տաշիրի Էրահավոր միանավ հուշարձանները» հոդվածից (տե՛ս ՀՍՍՀ ԳԱ «Լրաբեր» (հաս. դիտ.), 1974, № 3, նկ. 7)։

16 Ներկայացված գծագրում երկայնական թևի վերի սիմետրիկ դասավորությունը կարող է լինել հավանական տարբերակը, թեպետ չի բացառվում մասնակի շեղումների հնարավորությունը, ասենք՝ արտաքին սրահի հյուսիսային թևում աբսիդի բացակայություն, կամարային բացվածքների քանակի փոփոխություն և այլն։

17 Տե՛ս Գ. Հովսեփյան, նշվ. աշխ., էջ 78։ Բ. Առաքելյան, նշվ. աշխ., էջ 60։

սովակայութիւն և այլն), հորինվածքային ընդհանրութիւնը Տաշիրի V—VI դդ. միանալ գահ-լիճների հետ:

Կողբի պուղամիչի եկեղեցու արեւելյան թևի հորինվածքը որոշ նմանութիւն ունի հայկական առավել վաղ շրջանի միանալ գահլիճների (Կարնուտ, Թանահատ և այլն) հորինվածքին, որոնց ավանդատունը միայն մի կողմից է,

չունի շեշտված երկայնական ձգվածութիւն և արսիդ: Դա պետք է բացատրել նրանով, որ Կողբի եկեղեցին, ինչպես նաև Տաշիրի հիշված նույնատիպ հուշարձանները, պայմանավորում են միանալ գահլիճների տիպի զարգացման հաջորդ փուլը:

ՃԱՐՏԱՐԱՊԵՏՈՒՅԱՆ ՔԵԼՆԱԾՈՒ
Դ. Ս. ՇԱԽԿՅԱՆ

ՀՈՌՈՄԱՅՐԻ ՎԵՐԻՆ ՀՈՒՇԱՐՁԱՆԱԽՈՒՄԸ

Յժման գյուղի հարավային կողմում կանգնած են երկու հուշարձանախումբ: Մեկը գտնվում է մայրի վերին հարթակի եզրին և տեղադրութիւնը համապատասխան կոչվում է Չորանգրի վանք: Մյուսը՝ նրանից ներքև է, ձորի լանջին և գրականութիւնը մեջ հայտնի է Հոռոմայր վանք անունով: Սակայն վիճաբանական սկզբնաղբյուրներից դատելով շինութիւնների Չորանգրի խումբը կառուցվել է Հոռոմայրի միաբանների նախաձեռնութեամբ ու թեև կանգնած է մասնակիորեն մեկուսի, այնուհանդերձ համարվել է Հոռոմայր վանքի բաղկացուցիչ մասը: Ներկա վիճակով Չորանգրի կոչված վանքը կազմված է երկու եկեղեցիներից ու զավթից: Եկեղեցիի սիմետրիկ դասավորութիւնը նախագծային որոշակի մտահղացման արդյունք է: Կենտրոնում գտնվում է համասարակողմ փոքրիկ զավթիք, որը հարավային և հյուսիսային կողմերից հաղորդակից է երկու նույնածափալ միանալ թաղածածկ եկեղեցիներին:

Դիտարկելով մուտքը բացված է զավթի արեւմտյան պատին և միայն զավթի ներսից կարելի է մտնել եկեղեցիները: Այս առումով սալուրաւեստակ մի նախասենյակ է և համասարակողմ ծառայում է երկու եկեղեցիներին:

Գավթին առաջնորդող եւ ռազարավ է իր կառուցվածքային առանձնահատկութիւններով:

Ն. Ս. Ջալալյանը վանքի երկու հատվածները տարբեր անուններով չի կոչում և նշում է միայն տեղադրութիւնը (տե՛ս «Անապատ-հորդութիւն ի Մեծ Հայաստան», Ա, 1842, Թիֆլիս, էջ 92): Ի. Հարութիւնյանն արդեն տարբերում է, ընդ որում ձորի գլխի խումբն անվանում է Հոռոմայր վանք, իսկ եկեղեցիներ՝ Ս. Նշան (տե՛ս «Աշակերտի հուշատետր», «Հումա», գիրք Ա, Թիֆլիս, 1897, էջ 275): Հ. Սղիսաբեկյանն ըստ տեղադրութիւնի գրանց անվանում է Չորամիջի և Չորանգրի (տե՛ս «Այվերդու շրջանի կուլտուրայի հուշարձանները», Երևան, 1952, էջ 35—36):

Ներսի շորս անկյունները հատված են որմնամույթներով, որի շնորհիվ ներքին տարածութիւնը հատակագծում դարձել է ութանկյունի: Հիշյալ որմնամույթներից զեպի վեր անկյունագծով ձգվում են երկու կամարներ և խաչվում առաստաղի ուղիղ կենտրոնում: Խաչվող կամարների համակարգն առանձնապես մեծ տարածում ունի Հայաստանի XIII դարի ճարտարապետութիւն մեջ (Խորակերտ, Մշկավանք, Հաղբատ, Գանձասար, Գեղձնուտ, Նոր Վարազավանք, Անիի Առաքելոց եկեղեցու հարավային զավթիք, Աղթամար², Չորաղիւր և այլն)³: Ի տարբերութիւն նշված հուշարձանների, Հոռոմայրի զավթիքը ավելի պարզ շինութիւն է, երկու զույգ կամարների փոխարեն, շենքի փոքրութիւնը պատճառով ունի միայն մեկը: Այս հանգամանքն էլ առաջ է բերել չափազանց ինքնատիպ լուծում՝ կամարների անկյունագծային տեղադրութեամբ (նկ. 1):

Արեւմտյան մուտքը բավական մեծ է և պատուհանների բացակայութեամբ պայմաններում, ըստ էության, ծառայում է նաև ներսի լուսավորմանը: Թեև շինութիւնների վերնամասերն ավերվել են, սակայն պահպանված հատվածներից պարզ էրևում է, որ եկեղեցիները զավթից ավելի բարձր են եղել: Ներկայումս գոյութիւն ունի միայն հարավային եկեղեցու տաւիքը: Տեղ-տեղ քանդվել և բացվել է զավթի վերնամասը, իսկ հյուսիսային եկեղեցու տաւիքը լրիվ ավերված է:

Ճարտարապետական ձևերի պարզութիւնը

2 Արծրունիների պալատի վերակազմութիւնը համաձայն, որ կատարել է Հ. Սրբելին, խաչվող կամարների հեղույն համակարգը հայ ճարտարապետութիւն մեջ պետք է թվագրվի X դարով (տե՛ս «Избранные труды», т. 1, М., 1968, էջ 43, 45, 47—60):

3 Ս. Х. Мнацаканян, Архитектура армянских притворов, Ереван, 1952, էջ 77—779: